


晉
驩
經



百廿九
鳴八

48069



元祿九年丙子二月日重脩

皇圖環固 帝階綴昌

佛日增輝 機谷輪常轉

山城州天安寺法金剛院置



普曜經卷第六

西晉三藏法師竺法護譯

鳴

召魔品第十七

佛告比丘於時菩薩有光明名消魔宮場演
斯光明普照三千大千佛國靡不周遍曜魔
宮殿皆使覆蔽從其光明使魔波旬聞此像
教大清淨士從無數劫積功累德棄國捐王
愍哀真正欲成甘露在佛樹下已身已度當
度餘人已越三界當脫他人已身以安當安
一切已身寂滅滅度他人處在閑居護諸惡
趣令無有餘為天世人一切師父神通已達
永獲大安以甘露安安於一切當空汝界加



縛卿頸使無力勢失衆眷屬心中隔塞不知
何計當興法雨潤澤一切佛語比丘時魔波
旬聞是頌教卧寐夢中見三十二變一見宮
殿暗冥不明二見宮殿汙泥不淨三見宮殿
毀壞而生荆棘四見恐怖衣毛爲豎馳逸迸
走五見迷惑失道入於邪徑荆棘瓦石六見
其後園所生樹木無有華實七見池水枯竭
無諸蓮華八見身鴈鴛鴦孔雀哀鸞百鳥禽
獸皆無羽翼九見其大鼓篳篥樂器破壞斷
絕棄捐在地十見捨所愛敬妻子眷屬別異
處寐十一自見已身牀上墮地破傷頭面十
二見諸魔子威神力強皆來稽首歸命菩薩

十三見魔四女迷失時節化爲老母十四見
自觀已身衣體汗泥塵垢十五自見牆壁軒
牕樓閣門戶傾危十六自見軍衆鬼神闕义
厭鬼捷沓和天龍眷屬一切手脚其身及頭
皆墮在地十七見欲界諸天天帝釋炎天兜
術天不憍樂天化自在天各自捨去不從其
教十八見魔宮殿所居止衆裏覆頭首十九
見本自在不得由已二十自見眷屬不爲歸
伏二十一見頭冠幘珠璣瓔珞火自然燒二
十二見魔宮殿自然震動二十三見諸樹木
而截墮地二十四見諸可意業都不復現二
十五見其水決沒壞宮殿二十六見河水崩

頽灌民居舍二十七見一切天王皆來歸命
菩薩瞻其顏色二十八見身牀卧自然出外
二十九見其眷屬而捨遠去歸於菩薩三十
見吉祥金龜皆悉毀壞三十一見諸梵王諸
魔官屬宣傳不吉三十二覩十方一切衆生
歸命菩薩而從受教佛言比丘魔於夢中見
是諸變時從夢起心中恐怖衣毛爲豎召會
大目及諸兵衆爲告說此夢中所見魔有智
目名師子安王問此大目及諸會者我於夢
中間於空中自然出聲釋家生子身相衆好
六年之中修勤苦行詣佛樹下當成正覺從
夢覺已心自念言今此菩薩度無央數億載

人民必空我界今無有餘當禁制之有德如
是輒成佛道名曰法王普往歸之以何方便
斷其徑路令不成就以大兵衆而往伏之於
是頌曰

以將大兵衆
急殺此沙門

共行害除之
將四部之兵

便就其樹下
共欲愛敬我

與我共戰鬪

急速往遣之

緣覺及羅漢

徧滿於天下

滅除我衆兵

使無有力勢

如是當成佛

天地之法王

部黨甚熾盛

為佛無斷絕

於是魔子導師為魔波旬說此偈言

大人面何變

顏色不如常

如忉利天人

其身不和調

今何所見聞

疾告今欲知

當觀正本末

療治其疾患

聞天人所言

卧寐見惡夢

若皆衆中說

聞之自投身

魔子導師自詣啓父我會大衆雖宣音聲令

無所勝使無非惡衆庶心生或有所生或無

所生如是服嚮自於樹下今現瑞應則爲吉

祥不見輕慢也我察必安具衆吉利善興少

事今罪不生我見寂然所可導御不起幻術

不以吾我行成吉祥正直導師導師復言亦

有威力而不成力自然羸弱有生勇士慈行

得勝假使螢火滿三千界有一毫明必能普

照十方天下其心懷穢妄造習惑輕於明智

彼病難治無有動移億佛不療佛告比丘於
是波旬不用導師之言即召千子其五百子
導師之等信樂道德歸於菩薩任菩薩右其
五百子隨魔教者任菩薩左時魔波旬告諸
子言汝等一心共立建謀以何力勢勝菩薩乎
其右面子名導師者答父波旬而說偈言

令諸子諍豈為好
小虫欲與師子戰

自任訟理欲斷根
勇如是行豈勝佛

其左面子名曰惡目以偈報答

適觀我身力便傷

如樹墮地拔根枝

於今沙門察我住

以得視息復欲喘

其右面子名曰軟音以偈報曰

欲興恐懼消大海

所行顛倒求安和

斯觀菩薩之面像

吾不謂父為奇雅

其左面子名曰不淨以偈荅曰

自見一已欲得勝

卿作沙門默然退

見我兵眾無數千

皆共勇猛害汝形

其右面子名曰善意而說偈言

象大鉤鏢所有力

勇執金剛密徒人

逮得忍力藏柔軟

使諸剛強永無力

其左面子名曰強威重說偈言

雖菩薩身光消病

我入於彼悉破壞

受持善眼如劫燒

我身當害於菩薩

其右面魔子名曰善目以偈報曰

山尚可動空可墮

其大海水尚可盡

虛空可盡行在地

不得甘露不捨樹

其左面魔子名曰所入變復以偈荅曰

日月光明猶可蔽

魔宮殿住能隱水

豈取一滴盡江海

將兵迴還勿雷吼

其右面魔子名曰德悅復以偈報曰

日月可滅明

鐵圍可不淨

菩薩之清淨

一已無能害

其左面魔子名曰求便即時頌偈荅曰

無兵無黨名純淑

其面妙好無鎧仗

未見無兵欲戰鬪

如我今日必相害

其右面子名曰德嚴以偈報曰

不可從已如獨言

心懷忍力精進強

行三脫門智慧財

德力爲兵相降伏

其左面子名曰不還以偈荅曰

當還害之如燒草

正使吉呪不勉箭

呪以成者破山還

不令太子住不馳

其右面子名曰法樂以偈報曰

虛空可盡今有形

其衆生界可一同

柔輦風冷尚可獲

菩薩樹下不可移

其左面子名曰澹泊以偈荅曰

我父境界供自然

衆人所用皆有之

皆當破壞害其命

就樹下危乃捨去

其右面子名曰一切吉以偈報曰

假使三千滿中物
姪怒癡毒大恐難

皆成爲毒不能傷
皆欲加聖終不能

其左面魔子名曰樂貪以偈答曰

百千玉女自莊嚴

鼓於無數伎樂音

愛喜數受樂好欲

從是致安諸所慕

其右面魔子名曰法行以偈報曰

以法所樂而自娛
度脫衆生愛以慈

慕敬禪定好甘露
誰復有心樂於欲

其左面魔子名曰好跂以偈答曰

月行虛空有所生

除去暗冥故清明

我等今日得沙門

毀滅所行諸覺業

其右面子名曰師子吼以偈報曰

無數野狐而嗚呼

不如一勇師子吼

百獸暗音懷恐懼

顫慄驚惶奔四方

今者卿等亦如是

不聞仁尊頒宣法

自強廣遠妄所說

聞聖師子吼攝伏

其左面子名心念惡以偈答曰

今來眾會無數變

去何觀此諸頭首

愚人觀是不捨走

言降伏之乃訛言

取要言之一切魔子清白部又黑真部各各

說偈於時有一將軍名曰賢天為魔波旬說

此偈言

是君之所知

釋四王真陀

阿須倫迦留

义十指首禮

何況所不識

梵天及光音

淨居諸天子

普亦自歸命

今所生諸子

從尊受教命

斯等敬菩薩

至此皆稽首

今斯魔軍衆

三千二百里

恭恪悅意觀

心中懷踊躍

覩之面和悅

百千天雨華

無數神供養

諸天下賓王

諸魔衆所作

憤亂鼓不鳴

能還者為智

必不得其勝

佛樹為吉祥

身鷹背孔雀

不畏而悲鳴

不勝不如還

魔衆所任處

雨墨及塵土

道場雨衆華

唯聽願迴還

魔衆所任處

溝坑布蒺藜

道場于香熏

智覩當還逝

前夢所見瑞

目覩何不還

為欲奈之何

處所以破壞

其藍衍仙人

瞋於凡大仙

精進極歎頌
應儀能合偶
天王不聞乎
成佛降塵勞
當往詣至尊
若演其光明
無能見其頂
成就正直覺
土地諸道場
聖力精進力
猶如坏為器
螢火比日月

雨當不生草
不害衆生故
身相光遠照
其身如是淨
莫不啓受教
覆蔽億國土
極察不能覩
猶須弥鐵圍
樹木山稽首
忍力禪思力
必當疾毀壞
求比無等倫

精進仙人還
頭首得自在
出國無所冀
化人奉敬之
眉間白毫毛
蓋魔宮不現
無能堪任觀
日月天帝梵
福力有智力
魔力消無力
師子比禽獸
師子虺同耶

皆察於菩薩 不見有等類

降魔品第十八

於是魔波旬心中憤亂恐怖色變強顏不去
不欲退還故作訛言我所為是告其兵衆卿
等併心皆共和同所可見知諸天鬼神逼迫
菩薩莫使縱逸也當共伏之尔乃捨去於時
波旬告其四女一名欲妃二名悅彼三名快
觀四名見從往詣佛樹惑亂菩薩嗟歎愛欲
之德壞其清潔之行女聞魔言即詣佛樹住
菩薩前綺言作姿三十有二一曰張眼忤精
二曰舉衣而進三曰訶訶並笑四曰展轉相
調五曰現相戀慕六曰更相觀視七曰姿弄

脣口八曰視瞻不端九曰嫫媪媪細視十曰互相禮拜十一以手覆面十二迭相捻捏十三正任羊聽十四在前跳踈十五現其髀脚十六露其手臂十七作身鷹鷂鳥鴛哀鸞之聲十八現若照鏡十九周旋出光二十年乍喜乍悲二十一年乍起乍坐二十二意懷踊躍二十三以香塗身二十四現持寶瓔二十五覆蔽頂頸二十六示如閑靜二十七前却其身遍觀菩薩二十八開目閉目如有所察二十九俛頭閉目佯如不視三十嗟歎愛欲三十一拭眼正視三十二遍觀四面舉頭下頭菩薩心淨猶明月珠而無瑕疵如日初出照於天下

猶如蓮華在於泥水而無所著如須彌山不
可移動其德高遠諸根寂定其心愴怕而無
增損於時魔女善學女幻迷惑之業任欲亂
道而重言曰仁德至重諸天所敬應有供養
故天遣我我等既好在盛時天女端正優
鉢華色莫踰我者願得晨起夜寐供事左右
菩薩荅言汝宿命有福受得天身不念無常
而作妖媚形體雖好而心不端譬如畫瓶中
盛臭毒將以自壞有何等竒福難久居淫惡
不善自亡其本死即當墮三惡道中受鳥獸
形欲脫致難汝輩故來亂人善意非清淨種
革囊盛屎而來何爲去吾不用今阿母等不

安天上何為橫來其魔王女化成老母不能
自復即還魔所而說偈言

禁戒清淨不樂觀

所視恭敬無瞋恨

所察威儀無愚冥

其身微妙審詳叙

使說女人之瑕穢

以離愛欲無所戀

天上世間無等倫

不見真行如是者

所在進止覩女像
堅一其心無瑕疵

本淨謹慎妙巍巍
猶如安明不可動

察福威神及功勳

從無數劫護禁戒

清淨梵天無數億

頭面稽首真人足

必當降伏我魔兵

輒成道德如前佛

以故我等不可爭

逮得尊等療一切

所觀如空明珠寶

若干雜形如妙華

有所思惟無想念

其面眉間功勳光

所行之處無求便

無瞋無塵無所有

於是樹神覩斯威神即懷恐懼承佛威力所

言至誠悉共和同以十六事嗟歎菩薩今清

淨人極妙巍巍如十五日月盛滿時其鬻普

照猶如日出耀於天下如樹華茂無不芬葩

琦相衆好金光縱容諸根寂定猶如蓮華處

於浴池所演有威猶師子吼而有殊特猶念

億載菩薩任恭敬

迦留須倫山樹木

咸來供養於十力

斯明極耀遍照遠

所受根本無所失

舉動作事常少欲

菩薩在林樹間獨步無畏所造習行人中獨
尊譬言如鬪山峙于大海超絕獨顯平等堅固
如鐵圍山出衆山上尊人功勳普聞遠近若
水具足攝持天地其意恢廓而有殊特斯心
無限猶如虛空其志正任曜無等倫譬言如天
地衆生所仰其心清淨而無穢濁萬民悅豫
至無有餘其意清明無能覩見一切衆生所
可慕樂有所度脫而有超異悉斷一切諸所
想念尊力無上猶如鉤鑠莫不爲伏所行精
進志性堅固諸狐疑者衆結悉解退降魔衆
捐棄于兵令還歸宮尊人善利致得十力力
勢無雙如是比丘樹神以十六事嗟歎菩薩

功德無侶聞者莫不欣喜

佛告比丘淨居諸天以十八事嗟歎菩薩毀
些魔衆何謂十八魔以見棄猶如羸老不能
得勝波旬劣極如朽牆壞波旬大聖一己勇
猛至願而降服卿波旬無侶如病無養波旬
無力如門戶破波旬今見遠棄如失娛樂波
旬今日任於邪徑如賈失路波旬斥棄如病
不除波旬愚癡所在不安波旬不孝不知報
恩波旬馳走如師子吼小獸馳逸波旬見殞
如衆斥棄波旬不知時節福盡無餘衆所捨
除如滿器土波旬以見縛束勇猛巧言自據
拍臚波旬失所衆力如失頭髮手足波旬無

意如狂失志波旬迷惑不知家處波旬奔馳
如狂逸走如是比丘淨居諸天以十八事毀
咎波旬佛告比丘宿衛佛樹諸天以十六事
覆蔽於魔何謂十六今日菩薩降伏波旬及
諸宮屬今日菩薩揔以大勢力攝取波旬令
自然羸今日菩薩使魔波旬不知處所若日
光明暄於螢火今日菩薩以佛大權過諸天
威拔惡根本今日菩薩以大威神師子之力
消伏波旬若小獸縮今日菩薩墮魔山谷如
有力人斫截樹木今日菩薩懊惱波旬如大
怨家見逐曠野今日菩薩得波旬際如大海
知於牛跡今日波旬如於菩薩如獄囚脫故

有賊心今日菩薩迷惑波旬如豪貴人牽掣
貧匱今日菩薩棄捐波旬如非法王失於故
土今日菩薩勝於波旬如猛毅士屈伏劣弱
今日菩薩令魔憂感如破壞人不知所湊今
日菩薩令魔訛言如海船壞今日菩薩令魔
消懾猶如劫盡燒諸草木今日菩薩毀落波
旬猶如大勢壞諸異學如是比丘宿衛佛樹
諸天以是十六事覆瞶於魔於時弊魔聞諸
天至誠分別決了本末教令還歸魔毒益盛
謂菩薩言疾起奔馳我衆兵仗十八億衆皆
共併勢如是相勝若斯度已而危仁身是我
眷屬衆兵相越我終不言當復相救速疾起

走菩薩荅曰如須彌山不可動搖一切十方
諸會衆多尚可墮地萬物草木皆爲衆生無
能傾心若有一意尚竭大海不損吾心不得
佛道我終不起魔復說言我主欲界一切四
王天帝諸釋阿須倫捷陁羅迦留羅真陁羅
摩休勒在中爲主屬我無餘仁亦屬我今者
自恣耶菩薩荅曰卿欲界尊自謂威神必非
是尊非於法尊也道法尊者乃謂爲尊不但
欲尊地獄餓鬼畜生於中罪尊非道正真無
上聖尊也必當成佛降伏弊魔魔復報曰今
日沙門獨在林岨欲得是願致爲甚難欲立
應行今且壞失何因得道菩薩報曰以失義

理告何從來不違禪定神足功福不亡威力
能大勤修斯乃名曰為精進力不成佛道終
不起也魔何所恚在前而任宣麁惡辭或謂
已上一已獨身在於曠野猶如一日滅十方
星宿衆光豈明今魔與大衆反在吾前而現
顏貌吾當相逼速起出去必相危害已與衆
變遇衆苦難鬼神所在能立郡縣猶是所作
能成自在衆形無數天人逼卿菩薩報曰空
尚可盡風尚可握其月無垢光滅衆宜尚可墮
地光亦可宜無能移吾退樹下去不成道德
雖興勢力不捨兵衆興麁害心吾常仁慈柔
和為本咄咀小子如斯毀壞不察本變不捨

兵衆吾在衆中若紫金山猶大寶藏靡不咨
嗟如妙華鬘今日必勝化大乱衆善毀魔兵
鬼神龍種靡不歸伏音超梵天聞於十方聲
如哀鸞諸神惡鬼此衆伴侶天神來現住在
目前遍虛空中皆集勇猛來詣樹下欲得壞
卿假使大千滿中諸形若干種變皆執金剛
不能動吾雖懷惡心執持五兵吾不畏之魔
持刀劔沙門速起盡力馳走今以刀刃段段
解截假三千土地所有境界皆滿中魔各各
執劔如須弥山不能搖動吾一毛矣況欲害
乎吾心堅強終不移傾神通之曜巍巍無量
體紫金色如火中金魔王益忿召四部兵大

來集會無極大力當往戰鬪自古迄今未見
有此汝等併勢當討滅之於時四部十八億
衆各各變為師子熊羆虎兇象龍牛馬犬豕
猴猿之形不可稱言虫頭人軀虺虵之身龜
龜之首而六目或一頸而多頭齒牙爪距擔
山吐火雷電四繞護持戈矛菩薩慈心不驚
不怖一毛不動光顏益好鬼兵不能得近魔
王自前與佛相難詰其辭曰
比丘何求坐樹下
樂於林藪毒獸間
雲起可畏窈冥冥
天鬼圍繞不以驚
古有真道佛所行
澹淡無畏除不明
其成最勝法滿葳
吾求斯坐使魔王

汝當作王轉金輪
所受五欲最無比
吾觀欲盛吞火銅
得王亦有老死憂
何安坐林而大語
不見我興四部兵
以見猴獍師子面
皆持刀刃擄戈矛
設復億姪神武備
矢刃火攻如風雨
魔有本要令我退
今汝福地何如佛

七寶自至典四方
斯處無道起入宮
棄國如唾無所貪
去此無利勿妄談
委國財位守空閑
象馬步兵十八億
虎兇毒虵豕鬼形
跳躍哮呼滿空中
為魔如汝來會此
不先得佛終不起
吾亦自誓不虛還
於是可知誰得勝

吾曾終身仗布施
比丘知我宿福行
昔吾行願從錠光
恐畏想盡故坐斯
我所奉事諸佛多
仁戒積德厚於地
菩薩即以智慧力
應時普地轟轟大動
魔王敗績悵失利
其子又曉心乃悟
吾以不復用兵器
世用兵器動人心

故典六天為魔王
自稱無量誰為證
受荊為佛釋迦文
意定必解壞汝軍
財寶衣食常施人
是以脫想無患難
伸手按地是知我
魔與官屬顛倒墮
昏迷却踞前畫地
即時自歸前悔過
等行慈心却魔冤
而我以等汝衆生

若調象馬雖以調
若得最調如佛調
姪天見佛擒魔衆
諸天歡喜奉華臻
本從等意智慧力
能使怨家為弟子

然後故能會復生
以如佛調無不仁
忍調無想怨自降
非法王壞法王勝
慧能即時攘不祥
當禮四等道之證

面如滿月色縱容
求佛像貌難得比
行道禪思品第十九

名聞十方德如山
當稽首斯度世仙

佛告比丘菩薩坐佛樹下已降魔怨成正真
覺消荆棘根三毒之元諸數緣起陰蓋衰種
永無微瞋衆相以定淨如虛空勇猛無難豎

其大幢顯示一切招來十方度脫三界默坐
樹下示現四禪爲將來學顯道徑路以縛諸
我神通微妙棄欲惡法無復五蓋不受五欲
衆惡自滅念計分明思視無爲譬如健人得
勝怨家意以清淨成一禪行心自開解却情
欲意無惡可攻不復計觀寂然恬怕如聖賢
行念思以滅譬如山頂之泉水自中出盈流
於外谿谷雨潦無緣得入靜然守一專心不
移成二禪行又棄喜意唯見無欲外諸好惡
一不得入內亦不起心正體安譬如蓮華根
在土中華合未開根莖華葉潤漬水中已淨
見真成三禪行棄苦樂意無憂喜想心不依

善亦不附惡無苦樂志正在其中如人沐浴
潔淨覆以鮮好白繒中外俱淨表裏無垢喘
息自滅寂然無變成四禪行譬如陶家和埴
調煑中無沙礫在作何器精進開發無所不
能已得定意建立大慈不捨大悲智慧善權
究暢要妙通三十七道品之行所謂四意止
四意斷四神足五根五力七覺八道終而復
始以曉三脫得三達智去來今事無所罣礙
得變化法所欲如意不復用思身能飛行能
分一身作百作千至億萬無數復合爲一能
徹入地石壁皆過從一方現俯沒仰出如出
入水能於身中出水出火履水行虛身不陷

墜坐卧空中如飛鳥翔立能及天手捫日月
其身平立能至梵天神通自在眼徹視耳洞
聽豫知諸天人龍鬼神蚊行蠕動之類身行
口言念於所念悉見聞知諸有貪婬無貪婬
者有瞋恚無瞋恚者有愚癡無愚癡者有愛
欲無愛欲者有大志行無大志行者有內外

行無內外行者有念善不念善者有一心無
一心者有解脫意無解脫意者一切悉知菩
薩觀天上人中地獄畜生鬼神五道先世父
母兄弟妻子中外姓字一一分別一世十世
百千億無數世事至于天地成敗空荒之時
還復成時能知十劫百劫至千億無數劫中

內外姓字衣食苦樂壽命長短死此生彼展
轉所趣從上頭始諸所更身生長老終形色
好醜賢愚苦樂一切三界皆分別知見人鬼
神各自隨行生於五趣中或墮餓鬼或墮畜
生或作鬼神或生天上或入人形有生豪貴
富樂家者有生卑鄙貧賤家者知衆生惑五
陰白蔽色痛想行識皆習五欲眼色耳聲鼻
香舌味身更心法為愛欲所牽惑於財色思
望安樂從是生諸惡本從惡致苦能斷愛習
不隨婬心大如毛髮受行八道則衆苦滅何
謂為八正見正念正言正業正治正方便正
意正定譬如無薪無火不然不滅是謂無為

度世之道菩薩自知以棄惡本無姪怒癡生
死以除種根以斷無餘栽孽所作以成智慧
以了明星出時廓然大悟得無上正真道爲
最正覺得佛十種力四無所畏十八之法佛
十神力者佛悉見知深微隱遠是處非處有
限無限明審如有一力也佛悉明知來今往
古所造行地所受報處二力也佛能現化禪
定脫門正受三力也佛悉分別天人衆生彼
彼異念四力也佛知衆生若干種語及度世
語五力也佛悉了知世間雜種無量情態六
力也佛知欲縛知欲解要在所宜行七力也
佛智如海善言無量追識一切宿命所更八

力也佛天眼淨見人初死神所出生善惡殃
福隨行受報九力也佛漏已盡無復縛著神
真叡智自知見證究暢道行所作能作無餘
生死其智明審是為佛十神力也佛四無所
畏者佛神智正覺無所不知愚人或言佛未
悉知至諸梵眾聖莫能論佛之智故獨步不
懼一無畏也佛漏盡悉知愚或相言佛漏未
盡至梵魔眾聖莫能論佛之志故獨步不懼
二無畏也佛說經戒天下誦習愚或相言佛
經可遇至梵魔眾聖莫能論毀佛之正經故
獨步不懼三無畏也佛現道義言真而要能
度苦厄愚或相言不能度苦至梵魔眾聖莫

能論佛正直故周行不懼四無畏也佛十八
不共從得佛至于泥曰一無失道二無空言
三無忘志四無不靖意五無若干想六無不
省視七志達無損八精進無損九定意無損
十智慧無損十一解脫無損十二度知見無
損十三古世事悉知見十四來世之事悉知
見十五今世之事悉知見十六攬衆身行化
以本際十七攬衆言行化以本際十八攬衆
意行化以本際是爲佛十八不共之法佛得
道意一切知見坐自念言是實微妙難知難明
甚難得也高而無上廣不可極淵而無下深
不可側大包天地細入無間管錠光佛時剎

我為佛名釋迦文今果得之從無數劫勤苦
所求適今成耳自念宿命諸所施為道德慈
孝仁義禮信中正守真虚心學聖柔弱淨意
行六度無極布施持戒忍辱精進一心智慧
行四等心慈悲喜護四恩隨時養育衆生如
愛赤子承事諸佛積德無量累劫勤苦功不

唐捐今悉獲之喜自歎曰

今覺佛極尊

棄姪淨無漏

一切能將導

從者必歡豫

天福之報仗

妙願皆已成

愍疾得上寂

吾將逝泥洹

諸天賀佛成道品第二十

於是欲行天王如見如來坐於樹下神通以

達所願具足降魔怨敵豎大幢幡無極大仁
為大醫王療眾疾患無極師子若於恐懼衣
毛不豎調和心意滅除二垢成三達智越於
四瀆執一道蓋救護三界清淨梵志為棄眾
惡則為比丘除諸愚宜荷謂沙門越於六徑
廣學無限名曰博聞德消塵勞成為勇猛度
於彼岸所謂力者揔十種力具足法寶見如
來坐於樹下以偈讚曰

今在佛樹下

降伏魔官屬

難動如須弥

無畏無所捨

從無數億劫

施戒學智慧

合會集道義

亦無數億劫

所行蔽釋梵

本發求佛道

無數劫行忍

堪任眾苦惱

故光紫金色
精進無數劫
超越生死難
以故降伏魔
從無數億劫
行禪神通惠
奉事無數佛
是故衆供養
從無數億劫
至誠博智慧
將護億衆生
是故速得佛
以降於身魔
亦離於死魔
除去欲塵魔
故得無憂患
是爲天中天
諸天所奉事
三界所敬養
爲無量福田
悉消諸音響
植種成衆祐
無能望覩者
乃至坐道場
眉間相照曜
無數億佛土
悉暄日月光
使衆逮道明
端正中殊妙
顏色最第一
相好愍念衆
三界所奉事
其眼甚清淨
覩無數諸佛
國土衆生身
心中所懷念

其心甚清淨

聞無數音聲

諸天人人民言

佛教法之響

今得廣長舌

知時言柔軟

當聽斯正法

至無為甘露

以見魔兵衆

目悅心不慄

又見諸天人

不歡如須弥

覩魔諸兵衆

不動亦不搖

雖懷其害心

勇力降伏之

在座不移轉

其身不傾動

不喜亦不瞋

當時無所難

諸天世人民

則為得善利

乃逮聞正法

輒奉行至誠

常立在功勳

蒙最勝福德

所行輒速成

寂然人中英

人中尊導師

以逮成正覺

震動億姦國

降伏衆魔宮

其聲如梵天

亦如哀鸞音

馨香為第一

瞿曇說是言

福報為最安

除一切惱患

所願者必成

其人有功福

疾速得佛道

便降伏眾魔

輒得歸清淨

以恬怕滅度

是故何福人

興立行有馱

以聞甘露法

誰當有懈倦

處在林藪間

誰當有退意

饒益施萬民

常奉行精進

其從菩薩行

為人乃歸命

所行造供養

各成己國土

平如掌明鏡

輒等住其地

百千葉蓮華

自然出焯曄

百千億諸天

來覩佛道場

皆由己功勳

如海無限量

降伏魔力勢

逮甘露法門

皆稽首作禮

歸命於如來

以若干清淨

各各執香蓋

以覩見師子

佛威神變化

則發菩薩意

所任無能動

所言有名稱

如海不可動

強如須彌山

為諸山中王

十指又為禮

從空出梵聲

人中聖亦然

處於師子座

百千諸樹木

曲躬向道場

其光明百千

震動億國土

盡滅諸惡趣

諸難皆閑靜

無能越度者

病者皆得瘳

是人中至真

坐於師子牀

佛威神變化

猶如明珠火

自然有光曜

猶如日月明

眉間演大光

當時所奮明

普照於三界

無能見佛頂

人中勇如是

坐於師子牀

所顯神足變

來者靡不覩

坦然奉敬佛

地六反震動

假使不捨兵

善權多所感

若不釋兵仗
在坐現感應

當致衆毒惱

尊師子如是

於是淨居諸天梵迦夷天善梵天及敬道魔
子往詣佛所執大寶蓋以貢上佛即叉十指
以偈讚佛

仁尊現目前

精進禪慧力

在魔顯大辯

聖以降伏之

一切義吉祥

無數億魔來

不起身不動

稽首普世尊

若干如恒沙

不及於至尊

無所能搖動

猶如恒沙劫

祠若干億千

所設爲道故

無敢毀能仁

所行不可逮

有曾施妻子

男女及僕使

施園以國邑

王位諸莊嚴

手足及其頭

身中諸所有

用行道之故

仁慈不迷惑

如口所可說

言辭終不變

佛無著大度

當度無數衆

億載越汎流

禪定神足力

降伏淨正法

願具度衆生

施世盲冥目

普令一切和

一心願普智

合集歸尊道

其志無限量

靡不嗟歎者

如是降魔官

學成一切智

如是魔子嗟歎佛已却住一面

於是化自在天無憍樂天兜術天炎天忉利天

及四天王虛空天地神天供養世尊普悉莊

嚴一切天地散華燒香豎諸幢幡歸命至尊

以偈讚曰

其化自在天

無憍樂兜術

炎忉利四王

皆來供養佛

堅固如金剛

任在三千國

志強不可毀

正任佛道場

正使肌肉消

骨髓盡無餘

若不成佛道

終不起于坐

仁師子辟正

一切三千國

建誓立威神

草木皆為兵

興大無極哀

來至菩薩所

我領億刹土

坦平無有難

余等地諸神

咸來得善利

乃使最尊人

舉足履我上

其在世勇猛

靡所不照明

將護三千界

何況於一身

下方億百千

皆為一品類

普護諸衆生

所可作基業

我等護是地

普及三千土

皆使得上願

隨樂得飲食

善有越境界 所在使安隱 其諸佛之子

瞿曇衆聲聞 頌宣道法者 若復聽聞者

一切諸德本 皆勸助佛道

梵天化自在天無憍樂天兜術天炎火天忉利

天四天王虛空天地神天供養嗟歎佛已却

任一面

普曜經卷第六

鳴

迸

必孟反 散也

幘

音類徒回 責類

夢覺

下音 教

御

正作 御字

互

行

上正作 互音手

喘

昌反 軟

密徒

下斯 紫反

好跂

下元音奇 逆反又丘

戰慄

下良反

驚怛

下丁反 達反

恭恪

下口反 各反

吡孔雀

上音

一謂無種
穀智
聖也
明也
逮至
作遍立靜

安攬
反即敢
苞
必交反
焯曄
上紆鬼反
療
疾音抽

也也
苑囿
上紆遠反
正
汜水
上正作汎
基
反居其

也址

普曜經卷第六

鳴

猪飼長治亭附

